



From
Synod Literature & Publication Board
Synod Office
Aizawl – 796 001, Mizoram
Phone : 0389-2324590

LÂWRKHAWM

PASTOR RETREAT

Ni 23–26.5.2023 chhûng khân Aizawl Theological College, Durtlâng-ah Pastor Retreat a awm a. Hetah hian Mizoram Synod hnuai thawk mêk Pastor leh Minister-te bâkah pensioner-te, an vaiin mi 497 an tel.

LAY DAY HMANG

Synod Lay Workers Fellowship (SLWF) Annual General Meeting (Lay Day) chu ni 26.5.2023 khân Synod Conference Centre, Mission Vêngah hman a ni a. SLWF hi Synod hnuai thawktu, Aizâwla awm, Pastor ni lote intêl khâwmna a ni a. Kum tin May thla Zirtâwpni hnuhung berah Lay Day hi hman thîn a ni. Hemi ni hian SLWF Golden Jubilee (1973–2023) Souvenir tlângzarh a ni a; member pension-a chhuak mi 21 hnênah ngaihruina thilpêk hlan a ni bawk. SLWF-ah hian member 806 an awm mêk a; Lay Day pual hian Synod Hospital, Durtlâng tân thisen unit 71 an pe a ni.

SAWMNA

Harhna Inkhâwmpui wawi 9-na chu Tuikual North Kohhranah August ni 25–27, 2023 chhûngin neih tûr a ni a, thupui atân **‘I ram lo thleng rawh se’** (Mt 6:10) tih a ni. Thlarau lama thahnemngai apiang he Harhna Inkhâwmpuia lo tel tûr hian kan sâwm a che u.

Rev. R.C. Lalngâkliana
Director
Synod Revival

SYNOD EXECUTIVE COMMITTEE VAWI 302-NA A THU

June ni 6–8, 2023 chhûng khân Synod Executive Committee (SEC) wawi 302-na chu J.M. Lloyd Hall, Synod Office-ah a thu a, Rev. Dr C. Chawng-hmingliana, Synod Moderator-in a kaihrui a, member 130 an tel.

Upa B. Lalhmunliana, Synod Secretary hnên atangin report ngaihthlâk a ni a. Report-ah hian ni 21.5.2023 (Pathianni)-ah zirna sâng zâwk zir zo Pastor 8-te chu an awmna tûr Bialah theuh induct an nih thu te; P.C. Wales General Secretary, Rev. Nan Wyn Powell Davies-i’n Mizoram arawn tlawh thu te; US Consul General, Melinda Pavek-i’n Synod Office a tlawh thu te; Kohhran Inpumkhatna Joint Committee May ni 19, 2023-a neih a nih thu te; Manipur-a Meitei leh tlângmite buaina avânga harsatna tâwkte tanpuina chungchâng OM member-ten Mizoram Chief Minister Pu Zoramthanga an kawm thu te leh Synod hma lâkna dangte târ lan a ni.

ni. Bialhrang hrang atanga thawhlâwm theh luh zât chu ₹3,47,59,13,799 a tling a ni. Hmanna lamah – Pastoral-ah ₹1,73,14,40,695 leh Mission-ah ₹1,34,31,39,705 hman a ni a, a vaiin ₹3,07,45,80,400 hman a ni.

Tun tum SEC thut khâwmah hian agenda 60 chuang ngaihtuah a ni a. Thu ngaihtuah zingah hian Synod Pay Commission chungchâng te, Synod Hospital Centenary puala project ruahman chungchâng te, Synod Service Board hna lâk dân ruahmanna te, IMA-a Associate General Secretary post ruak hnawh khah chungchâng te, Biak In leh a vêla rualbanlote tâna remchânna siam chungchâng te, Council of Churches in Mizoram kalphung leh ruangâm chungchâng te, Corruption do leh a kaihnawih chungchâng te, Nupa Chungchâng Dân en thât chungchâng te, Inkhâwm tihtlêm chungchâng zir chianna te leh PRESCOM Department en thâtna te, Presbyterian Church of Myanmar nêna thawh hona en thâtna te a tel.

COUNCIL OF CHURCHES IN MIZORAM KALPHUNG TUR PAWM

Ni 19.5.2023 khân Council of Churches in Mizoram-a tel kohhran hrang hrang pasarih aiawhte chuan Booth Mansion Hall, Salvation Army Territorial Headquarters, Aizâwlah Joint Meeting an nei a, palai 45 an kal. He inkhâwm hi Rev. Dr C. Chawng-hmingliana, Synod Moderator-in a kaihrui. Hetah hian Mizorama Church Council ruangâm leh kalphung tûr duan lâwk chu a thuphungin pawm a ni a. Mahni kohhran inkhâwmpui lian theuhva sawi hnuah nakkum March thla vêlah thut khâwm leh ni se, tiin an rêl. Tûn tumah hian IKK Bualpui (NG) leh EFCI aiawhte an tel thar bawk.

SYNOD Newsletter

EDITORIAL STAFF

Rev. Lalbiaknia

Rev. V.L. Luaia Hranleh

Upa K. Lalnginglova

Zohmingliana Colney



DAM CHHUNG NUN HLUTNA

Dam hi a hlu a, Pathian khawngaihna vanga nungdama awm kan ni. Kan dam chhûng kumte hi a rei lo êm êm a, mi dang huat nân, mite tihchhiat nân, chapo taka nun leh mi dang chungtlâk nân, zu leh ruihhlo tih nân, dâwt sawi leh mi bum nân, duhâmna leh thil tha lo tih nâna hman te hi a uiawm êm êm a ni. Kan dam chhûng nite hi Pathian nêna lên dun nân hmang ila, keimahni leh mi dang tân hlu takin kan hmang thei ang.

Kan dam chhûngrei lo tê hi chatuana kanawm dân tûr inbuatsaihna a ni bawk a. Kan nun leh thiltih ang zêla thungrulh tûr kan ni. Pathian ringa, amah ãiha, a duh zâwnga nun hmangtu chuan a dam chhûng nun a hlut a ni. Kan dam chhûng hi rei lo mah se, mi dang tân thilphalin, kan ãanpui theih apiang ãanpui ila, thuhnuairawlh leh inngaitlâwm takin nung ila, nun ho a nuam sawt ang.

Dam chhûng nun hlutna chu, hrisêl leh hrisêl lohvah a inngat lo va, retheih leh hausakah a inngat lo va, lehkha thiam leh thiam lohvah a inngat hek lo; Pathian ãihnaah a inngat zâwk a. Chu chu kan nun dân tûr tak pawh a ni. Thuhriltu 12:13-ah dam chhûng nun khai khâwmna kan hmu a: "Pathian ãih la, a thupêkte vawng rawh; hei hi mihring zawng zawng tih tûr chu a ni mai," tiin. Kan dam chhan leh nun dân tûr hi ngun takin chhût fo ila. Kan dam chhûng nun hi hlu taka hman i tum ang u.

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Khawzâwl				Kaisanary leh Cachar			
Vêngthar North	Damlo	2	20,000	Zion Kohhran	Damlo	3	30,000
Hualngohmun	Damlo	1	10,000	Tualchêng	Damlo	2	20,000
West Sêrzâwl	Damlo	1	10,000	Leitan East	Damlo	2	20,000
Tumpânglui	Damlo	1	10,000	Chalrâng	Damlo	1	10,000
Damparêngpui				Vairêngte			
Hmâr Vêng	Damlo	1	10,000	Chhim Vêng	Damlo	1	10,000
Chhingchhîp				Sialhâwk	Damlo	1	10,000
Vênghlun	Damlo	1	10,000	Mayapur Kohhran (Kaisanary Bial)	Biak In		
Khawlailung				thli tihchhiat siam that nân			60,000
Bûnghmun	Huan kâng	1	10,000	Phûllên Vêngthar	Damlo	4	40,000
Dârlâwn	Damlo leh harsa	2	20,000	Ramhlun South	Damlo	2	20,000
Reiek	Damlo	1	10,000	Thênzâwl Field Vêng	Damlo	2	20,000
Tuirûm	Damlo	1	10,000	Leitan South	In kâng	1	15,000
Bâwngkâwn Brigade	Damlo	1	10,000	Bethlehem Vênglai	Damlo	2	20,000
Chhingchhîp Mualpui	Damlo	1	10,000	Bethlehem			
Aizâwl Vênglai	Damlo	1	10,000	Vêngthlang	Damlo	1	10,000
Tlungvêl Vênghlun	Damlo	1	10,000	Bethlehem			
West Phailêng				Vênglai North	Damlo	1	10,000
Electric Vêng	Damlo	1	10,000	Vaivakâwn			
Dârlâk	Damlo	1	10,000	Vêngthlang	Damlo	1	10,000
Mamit Field Vêng	In chhia	1	20,000	Mêlkâwn	Damlo	1	10,000
Chawngtlai	Damlo	1	10,000	Ratu Chhim Vêng	Damlo	1	10,000
Châmring Kohhran Sunday School				Thaidawr			
Hall thli tihchhiat siam that nân			50,000	Tlâng Vêng	Damlo	1	10,000
Khûmtung	In kâng	2	10,000				
Khûmtung	In chhia leh a chhûng thil chhia	1	15,000				
Manipur buaina tâwkte ãanpui nân			3,00,000				
Keifânga râltlân awmte pualin			2,00,000				

Mizoram Christian College-in Graduation Day a hmang: Mizoram Synod enkawl, Mizoram Christian College chuan ni 9.6.2023 khân Graduation Day a hmang. MCC zirlai kal chhuak hmasa ber tûr mi 147-te thlahna hun hi Upa Dr Tâwnênga, Principal-in a kaihrui a; inlawmna thu a sawi hnuah Rev. Dr K. Lallâwmzuala, Executive Secretary i/c MCC-in hun serh a hmang a. Rev. Dr C. Chawngmingliana, Synod Moderator-in thuchah a sawi a ni.

Mistiri Training khâr: Ni 14.6.2023 zân dâr 7 khân Pi Zaii Hall, Synod Conference Centre-ah Synod Social Front buatsaih Cement Mistiri Training khârna hun hman a ni. Training hi May 15 khân Synod Conference Centre-ah ãan a ni a. Zirtîrtu atân mi thiam rual rawih an ni a, mi 29-in training hi luang takin an zo a ni.

Missionary Retreat: Central Region Missionary Retreat vawi 4-na chu May ni 18–21 chhûng khân Châltlâng Kohhranah hman a ni a. Thupui 'Krista hmangaihna chuan min tîr lui a ni' tih chu Rev. Dr K. Lallâwmzuala, Executive Secretary i/c SMB-in a sawi. 'Tûnlai India rama rawngbâwl dân tûr pawimawhte' tih thupui hmanga paper, Rev. Dr Hmingthansânga, Director, Church Relation, Partnership and Networking, Interserve, India buatsaih chu zir ho a ni bawk. Retreat-ah hian Central Region-a Mission Field 8 leh Partnership-a missionary-te, Cambodia leh India ram lailia kan missionary-te leh an chhûngte mi 599 an tel a ni.

Consultation: May ni 26&27, 2023 khân MTC, Mission Vêngthlangah SMB hnuah Field Secretary leh Administrative Secretary-te tân consultation buatsaih a ni.

Râl Vêngtu



SYNOD HOSPITAL, DURTLÂNG THILPÊK DAWNTE (May 2023)

Kut hnathawktu eng emaw zât hi Râl Vêngtu hnênah an lo lêng a. Chûng mite chu – lo neia eizawng te, leilet siama eizawng te, mistiri te, huan neitu te, ran vulha eizawng te leh a rem rem thawka inhlawhfate an ni hlawm a. “Râl Vêngtu, ni tin hah takin, thlantui luang zawih zawihin hna kan thawk a, kan hausa thei si lo. Engtin nge kan hausak ve theih ang?” tiin an zâwt a.

Râl Vêngtu chuan, “Hausa in tih chu eng ang chiah nge ni?” tiin a lo zâwt ve thung a. Hnathawktute chuan, “Pawisa tam tak nei, in tha pui pui nei, motor changkâng nei, thlan tlaa hnathawh ngai lo hi,” tiin an chhâng a. Râl Vêngtu chuan, “Pute u, thil ka’n zâwt leh teh ang che u. Zânah in mut a tui em? In chaw ei a tui em? Thil thlum in ei thei em? Ruai thehnaah duhtawkin sa in ei thei em?” a ti a. Hnathawktute chuan, “Râl Vêngtu, i thil min zawh chu a ho hle mai. Kan han chhâng tho vang che. Kan mut a tui êm êm a, kan chaw ei pawh a tui nangiang mai. Thil thlum leh thingpui thlumte hi kan ngaina a, ruai thehnaah lah duhtâwkin sa kan ei thîn bawh,” an ti a.

Râl Vêngtu chuan, “Chuti chu in muttui avâng chuan doctor in inentir ngai em? In chaw ei tui leh thil thlum in ei theih avâng te, duhtâwka sa in ei theih avâng te chuan in nain, damdawi inah in awm phah em?” tiin a zâwt leh a. Hnathawktute chuan, “Chûng avâng chuan doctor hnêna inentir leh damdawi ina awm kan ngai lo ve,” tiin an chhâng leh a.

Râl Vêngtu chuan, “Pute u, hausa in tih tam tak aini in hausa zâwk daih a nih chu. Hausa in tih tam tak hian thlan tla khawpin hna an thawk ngai lo ngei a; amah-erawhchu, an muhîl thei lo va, an chaw ei a tui lo va, thil thlum an ei ngam lo va, an sa duh zâwng tak pawh an ei thei lo zu nia. Sum ngah ringawt te, in leh lo tha pui pui neih leh lirthei changkâng neih ringawt te hi hausakna a ni ber lo. Zalên taka nun hman te, ei tûr awm apiang insûm ngai lova in ei leh, tui taka in muhîl bawrh bawrh te hi suma lei theih ni se, chêng nuai tam tak sêngin an lei duh asin. In hausakzia hi lo ngaihtuah ang che u,” a ti a.

Hnathawktute chuan, “A ni mai âwm mang tak e. Râl Vêngtu, kan lo inngaihtuah chiang ang e,” tiin an kal kiang ta a.

I. CHARITY FUND	
1. Pu Khûma, Tahan	₹1,000
2. Pi Sângthuami (L) tu leh fate Lunglei Chanmari	₹25,000
3. Pu Lalchhandama Colney Châltlâng Lily Vêng	₹5,000
4. Pi Lalremi, Zêmbâwk North (m/o R.C. Lalrêngpuii)	₹3,000
5. Dr Lalmalsâwma Nghâka D-3 Business Enterprise	₹5,000
6. Pu Zodinliana, Mission Vêng, Aizâw	₹2,000
7. Crystal Lalzârpuii, Dâwrpui	₹1,000
8. Nathan Lalrinawma, Dâwrpui	₹1,000
9. Sairâng Dinthar Pastor Bial Kohhran Hmeichhia	₹27,000
10. Saitual Pastor Bial Kohhran Hmeichhia	₹10,000
11. Bairabi Pastor Bial Kohhran Hmeichhia	₹10,000
12. Thingsûlthliah Pastor Bial Kohhran Hmeichhia	₹10,000
13. East Phailêng Pastor Bial Kohhran Hmeichhia	₹19,750
14. Hnahlân Pastor Bial Kohhran Hmeichhia	₹5,000
15. Dârlâwn Vênghlun Pastor Bial Kohhran Hmeichhia	₹8,000
16. Bûngkâwn Pastor Bial Kohhran Hmeichhia	₹50,000
17. Sesawng Kohhran Hmeichhia	₹5,000
18. Bairabi Chhim Vêng Kohhran Hmeichhia	₹5,000
19. UPC (NEI) Ladies Auxiliary Dept	₹10,000
20. KÏP, Zuangtui Pastor Bial	₹20,000
21. Ruallung Kohhran Pavalai Pâwl	₹2,000
22. Lungdai Kohhran	₹2,000
23. Vairêngte Pastor Bial	₹20,000
24. Hliappui Pastor Bial	₹10,000
25. Sihphîr Pastor Bial	₹40,000
26. Synod Lay Workers Fellowship	₹1,74,500
27. Hming thup	₹500
28. Hming thup	₹1,500
29. Hming thup	₹6,000
Total	₹4,79,250

II. GRACE HOME TAN	
1. Ramhlun Pastor Bial Kohhran Hmeichhia	₹20,000
III. THISEN PETUTE	
1. KÏP, Himali Pastor Bial	Unit zât 14
2. KÏP, Thuampui Pastor Bial	37
3. KÏP, Dinthar Branch	53
4. KÏP, Mêlthum Branch	28
5. Synod Higher Secondary School	56
6. Synod Lay Workers Fellowship	70
7. KÏP, Tuikual South Branch	60

IV. THILPEK DANGTE	
1. Bûkpui Pastor Bial Kohhran Hmeichhia – IV Stand 10	
2. East Phailêng Kohhran Hmeichhia – College of Nursing tân hmunphiah thahnem tak.	
3. Hliappui Pastor Bial Kohhran Hmeichhia – Hmunphiah 240.	
4. Sialsûk Pastor Bial Kohhran Hmeichhia – Hmunphiah 94.	
5. Chhingchhîp Mualpui Pastor Bial Kohhran Hmeichhia – Hmunphiah 50.	
6. Hortoki Pastor Bial Kohhran Hmeichhia – Hmunphiah 160.	
7. Ruallung Kohhran Pavalai Pâwl – Hmunphiah 70	
8. Buarpui Pastor Bial – Hmunphiah 50	
9. Bethlehem Vêngthlang Kohhran Ramthar Committee – Synod Hospital Chapel-a hman lai khuang nufa hmai thlâk leh kaih thât (₹8,000 man hu).	
10. A.M. Surgical, Guwahati – Eye OT-a hman tûr Refrigerator (₹34,000 man hu).	

LAWM THU SAWINA: Hospital mamawh chi hrang hrang min petu zawng zawng chungah kan Lalpa Isua Krista hmingin lâwm thu kan sawi e. Pathian malsâwmna a lêt tam takin lo dawng theuh ang che u. Thilpêk pe duh tân a hnuai hospital hotute phone number târ lanah hian eng tik lai pawhin a biak theih e: Director – 94361 54365 leh Nursing Superintendent – 87298 58633.

Rev. R. Lalvulluaia
Chaplain, Synod Hospital, Durtlâng

Political Education Campaign: Social Front buatsaihin Pastor Bial hrang hrangah Political Education Campaign beihpui thlâk mêk a ni.

Accounts Training: Ni 19.5.2023 khân Pastor Bial Treasurer-te tân Synod Conference Centre-ah Accounts Training buatsaihin a ni a. Upa Lalsâwmliana, Finance Manager leh Pu Zaihmingthanga Fânai, Accountant-ten Synod Sum Vawn Dân chungchâng an zirtîr.

Finance Committee a thu: Ni 17&18.5.2023 chhûng khân Synod Finance Committee vawi 145-na a thu a, member 51 an kal. He thut khâwm hi Rev. Dr C. Chawngmingliana, Synod Moderator-in a kaihruai a; Rev. V.L. Luaia Hânleh, Finance Officer-in report a pe. Report-ah hian Synod Office leh department hrang hrang leh Mission Field sum audit zawh a nih thu leh, Josefa Buhzêmah ₹1,51,92,379/- hmuhtawh a nih thute a tel.

SYNOD BOOKROOM CONFERENCE

Synod Bookroom chuan ni 25.5.2023 khân Synod Office Committee Room No. 2-ah Synod Bookroom Conference 2023 an hmang. Kum kal ta khân Synod Bookroom hian nasa takin hma a sâwn a, an budget ₹14,40,00,000/- chu tha taka khûmin ₹21,97,27,814/- zet an thawk chhuak a ni. Kum kal taa Synod Bookroom Branch tha thlan a ni a, 1-na Chanmari Branch, Aizâwl; 2-na Churachandpur Branch, Manipur leh 3-na Mamit Branch-te an ni.

SYNOD BOOKROOM DISTRIBUTORS MEET

Synod Bookroom chuan ni 9.6.2023 khân Synod Office Devotion Hall-ah Synod Bookroom Distributors Meet a hmang a. Synod Bookroom hnuai Distribution Centre 48-ten an budget ₹1,78,00,000/- chu tha taka khûmin, an thawh chhuah zawng zawng chu ₹3,11,83,720/- a ni a, Financial Year hmasaa an thawh chhuah khûmna chu ₹1,42,07,852/- a ni. Distributor tha thlante chu: 1-na Sairâng Distributor, 2-na Zamuang Distributor leh 3-na Dârlâwn Distributor-te an ni.

ONE DAY ACCOUNTS TRAINING

Ni 16.5.2023 khân PCI buatsaihin Shillong-ah *One Day Accounts Training* neih a ni a. Hemi hunah hian Pu Zaihming-thanga Fânai, Synod Finance Department; Pu K. Laldawngliana, SMB; Pu V.L. Zonuntluanga, Synod Hospital leh Upa R. Lalramchhana, PRESCOM-te an kal.

ṬAWNGṬAI RUAL NI LEH ASSEMBLY HMANG

Ni 23.5.2023 (Thawhlehi) zân khân Kohhran Hmeichhiate chuan Khawvêl Pum Ṭawngṭai Rual Ni (World Day of Prayer) an hmang a, kumina thuchah hi Taiwan rama hmeichhiate siam a ni.

Ni 26–28.5.2023 chhûng khân Lunglei Vênglai Kohhran Biak Inah NEICCWA Biennial Assembly hman a ni bawk a. Hetah hian Central Committee Member 16 leh Bial hrang hrang aṭangin mi 38, an vaiin mi 54 an kal.

TAN INAH ṬHUTTHLENG HLAN

Bûngkawn Kohhran Pavalai Pâwlin District Jail, Aizâwl Biak Ina dah tûr ṭhuthlêngsei (Bench) 24 an siam chu ni 2.6.2023 khân Rev. Lalhmuchhuaka, Director hovin District Jail Superintendent hnênah an hlân.

LITERATURE CAMPAIGN

May ni 11, 2023 (Ningani) khân Ngopa Pastor Bialah Literature Campaign neiin Rev. Lalbiaknia, Editor; Pu Zohmangaiha, Asst. Editor; Pu Lalremmawia, Business Manager leh Pu Vânlalruata, OA-te an kal a. June ni 2, 2023 (Zirtâwpni) khân Phûllên Vêngthar Pastor Bialah Literature Campaign neihpui vêkin Rev. Lalbiaknia, Editor; Pi Rinsailovi, Asst. Editor leh Pu Zohmangaiha, Asst. Editor-te an kal bawk.



Phûllên Vêngthar Pastor Bialah Literature Campaign

HOSPITAL-IN COFFEE SÂWNGBÂWLNA KHÂWL A DAWNG

Pu R. Lalzirliana, Minister i/c Land Resources, Soil & Water Conservation, etc. leh department hotute hma lâknain Synod Hospital ram chhûnga coffee rah sâwngbâwlna tûr khâwl pahnih – Coffee Pulper (A pil khehna) ₹69,804/- man leh Coffee Grinder (A her dipna khâwl) ₹30,662/- man (A vaiin ₹1,00,466 man) chu Synod Hospital hnênah pèk a ni a. Ni 9.5.2023 (Thawhlehi) chawhnu dâr 2 khân Synod Hospital Committee Room-ah Minister Pu R. Lalzirliana kut aṭangin Rev. Dr C. Chawng-hmingliana, Synod Moderator-in a dawng a ni.

TAN INAH CRUSADE

June ni 1–4, 2023 chhûng khân Central Jail & Central Women's Jail-ah crusade buatsaihin a ni a. Hmeichhe Jail-ah Pu C. Malsâwma, Speaker, Christ Healing Ministry-in tihdam rawngbâwlna a nei a; Central Jail-ah Tv. Lalrempuia, Speaker, Saltâng Chhuahtu Team-in rawngbâwlna a nei bawk.

RAWNGBÂWL HNA RUAK DIL THEIH

Mizoram Presbyterian Kohhran hnuaiha a hnuaiha târ lan rawngbâwl hna hi a ruak a. Presbyterian Kohhran mi, kum 18–35 inkâr, ni 21.7.2023-a kum 18 tling leh kum 35 la pumhlûm lo, zûk leh hmuama fihlim tân dil theih a ni. Dilna form leh tualchhûng kohhran Confidential Report Form hi Synod Office (Aizâwl leh Lunglei) aṭangin ni 9.6.2023 (Zirtâwpni) aṭangin lâk chhuah theih a ni ang. Dilna hi Synod Service Board, Synod Office, Aizâwl theh luh tûr a ni a, dilna form hi ₹20/- man a ni. Dilna form-ah hriat tûr pawimawh târ lan a ni.

Hna hming	: Office Assistant
Category	: Contract
Post ruak zât	: Panga (5)
Thiamna	: HSLC of any recognised Board with CCA/CCC holder
Hlawh	: Synod hnuaiha Office Assistant (contract) hlawh
Dil theih hun chhûng	: Ni 10.7.2023 (Thawṭanni) dâr 5 p.m. thleng
Screening Test/Exam	: Ni 15.7.2023 (Inrinni) dâr 10 a.m.
Interview	: Ni 21.7.2023 (Zirtâwpni) dâr 10:30 a.m.

Rev. C. Zoramawia
Secretary, Synod Service Board
Synod Office, Aizâwl